



ERINDISBRÉF SAMRÁÐSHÓPS UM MÁLEFNI FATLAÐRA

Ábyrgðaraðili:

Velferðar- og mannréttindaráð.

Markmið og forsendur:

Markmið með stofnun samráðshóps um málefni fatlaðra er að auka áhrif notenda þjónustu á þróun, skipulag og framkvæmd þjónustu við fatlaða og önnur hagsmunamál þeirra í sveitarfélaginu.

Hlutverk og helstu verkefni:

- Að vera bæjarstjórn og ráðum Akraneskaupstaðar til ráðgjafar í málefnum fatlaðra.
- Að fylgjast með stefnumótun og þróun hugmyndafræði er varða þjónustu við fatlaða og gera tillögur að breytingum á þjónustu sveitarfélagsins.
- Að hafa samráð við þjónustuþega, hagsmunaaðila og íbúa í sveitarfélaginu um málefni fatlaðra.

Skipan samráðshóps

Velferðar- og mannréttindaráð skal skipa fimm fulltrúa í samráðshópinn og þrjá til vara. Ráðið getur óskað eftir tilnefningum frá hagsmunaaðilum. Í samráðshópnum skulu vera þrír fulltrúar notenda, einn fulltrúi aðstandanda fullorðins notanda þjónustu Akraneskaupstaðar og einn aðstandandi barns.

Fulltrúar í samráðshópi:

Tilnefndir af Velferðar- og mannréttindaráði

Verklag

Samráðshópurinn skal að jafnaði funda á fjögurra mánaða fresti og oftar ef þörf krefur. Á fundum samráðshópsins skulu ritaðar fundargerðir, þar sem fram koma helstu ákvarðanir, verkefni sem unnin skulu á milli funda og annað það sem máli skiptir fyrir störf hópsins.

Ráð og nefndir Akraneskaupstaðar skulu leita umsagnar samráðshópsins um mál sem varða sérstaklega hagsmuni fatlaðra íbúa í sveitarfélaginu. Samráðshópurinn getur einnig tekið upp mál að eigin frumkvæði og sent ályktanir eða erindi til viðkomandi ráðs eða nefndar.

Samráðshópurinn getur kallað til þá starfsmenn sveitarfélagsins eða sérfræðinga sem hann telur nauðsynlegt hverju sinni. Áður en lagt er út í kostnað við kaup á þjónustu sérfræðings skal kostnaðarmat lagt fyrir bæjarstjóra til samþykktar.

Fundargerðir skulu kynntar velferðar- og mannréttindaráði.



Akraneskaupstaður

Seta í samráðshópi í málefnum fatlaðra er ólaunuð. Þurfi fatlaður fulltrúi aðstoðarmann til að geta tekið þátt í starfi samráðshópsins skal sveitarfélagið veita þann stuðning til viðbótar við áður samþykktá þjónustu.

Starfsmaður:

Sviðsstjóri Velferðar- og mannréttindasviðs eða starfsmaður tilnefndur af honum situr fundi starfshópsins með málfrelsi og tillögurétt. Starfsmaður sér um fundarboðun í samráði við formann, fundarritun og eftirfylgni mála.

Starfstími

Starfstími samráðshópsins er fjögur ár. Skipað er í samráðshópinn ári eftir sveitarstjórnarkosningar.

Samþykkt í xxxx þann xxx.

NN,
bæjarstjóri